



Til formannskapet i Alver kommune

Notat til formannskapet

Tema: Vedtak i kommunestyret i sak 131/22

Bakgrunn:

I sak 131/22 2. tertialrapport 2022 gjorde kommunestyre følgende vedtak:
«Alver kommunestyre ser svært alvorleg på den økonomiske utviklinga av kommunen.

Alver kommunestyre viser til fleire vedtak som uttrykker uro over den økonomiske utviklinga og vedtak med å gå i gang med utviklings- og forbedringsprogram, jf. vedtak i sak 071/20 og vedtak i sak 164/21.

Alver kommunestyre ber kommunedirektøren innføre desse strakstiltaka:

1. Tilsettingsstopp. Alle tilsettingar skal vurderast strengt opp mot behov, der utgangspunktet for vurderinga er omsynet til forsvarleg drift, og forhold knytt til liv og helse.
2. Vikarbruk og overtid skal avgrensast til eit minimum. Dette skal vurderast opp mot lovpålagt drift og forhold knytt til liv og helse.
3. Innkjøpsstopp på alle innkjøp som ikkje er strengt naudsynte. Dette skal vurderast opp mot lovpålagt drift. Innkjøp som gjeld liv og helse skal likevel gjennomførast. Alt som kan utsetjast skal utsetjast. Innkjøp til inntektsgjevande verksemd er unntatt.

Kommunedirektør blir beden om å setje i verk desse tiltaka så snart som mogleg for å snu den økonomiske utviklinga. Tiltaka skal verke fram til 31.12.22.

Kommunedirektør rapporterer til formannskap/kommunestyre om status på desse tiltaka.»



Kommunedirektøren sin vurdering av gjennomføring av vedtaket:

Kommunedirektøren har lagt følgjande til grunn for gjennomføring av vedtaket i sak 131/22 i kommunestyret:

Tilsettingsstopp:

Kommunestyret legg til grunn at «alle tilsettingar skal vurderast strengt opp mot behov, der utgangspunktet for vurderinga er omsynet til forsvarleg drift, og forhold knytt til liv og helse.»

Kommunestyret har nytta formuleringa «forhold knytt til liv og helse» og kommunedirektøren oppfattar at denne formuleringa skal tolkast mindre strengt enn «fare for liv og helse».

I utgangspunktet inneber tilsettingsstopp at Alver kommune verken skal lyse ut nye ledige stillingar eller godkjenne tilsettingar som er i prosess. Dette gjeld fram til 31.12.22. Tilsettingar som er i prosess kan ikkje slutførast før etter 31.12.22.

Ut i frå avgrensinga knytt til «forsvarleg drift, og forhold knytt til liv og helse» legg kommunedirektøren til grunn at tilsettingsstoppen gjeld for følgande områder i kommunen:

Helse og omsorg:

NAV (kan gjere unntak i enkelttilfelle)

Oppvekst:

Skule (kan gjere unntak i enkelttilfelle)

Barnehage (kan gjere unntak i enkelttilfelle)

PPT

Skulehelseteneste

Teknisk forvaltning og drift:

Alle avdelingar med unntak av stillingar knytt til vatn og avlaup.

Samfunnsutvikling:

Alle avdelingar med unntak av operativ avdeling i Brann og redning.

Andre:

HR og utvikling

Økonomi

Kommuneadvokaten

Innkjøp



Vikarbruk og overtid:

Kommunestyret legg til grunn at «vikarbruk og overtid skal avgrensast til eit minimum. Dette skal vurderast opp mot lovpålagt drift og forhold knytt til liv og helse.»

Kommunestyret har nytta formuleringa «forhold knytt til liv og helse» og kommunedirektøren oppfattar at denne formuleringa skal tolkast mindre strengt enn «fare for liv og helse».

I utgangspunktet skal Alver kommune ikkje nytte overtid eller vikarar utan at dette går utover lovpålagt drift og forhold knytt til liv og helse. Dette gjeld fram til 31.12.22.

Ut i frå avgrensinga knytt til «lovpålagt drift, og forhold knytt til liv og helse» legg kommunedirektøren til grunn at vikarar og overtid ikkje skal nyttast i følgande områder i kommunen:

Helse og omsorg:

Heile tenesteområdet, med unntak av NAV, føl allereie innarbeid praksis der bruk av vikarar og overtid vert forsøkt redusert til eit minimum innanfor omsynet til forsvarlege tenester.

NAV (kan gjere unntak i enkelttilfelle)

Oppvekst:

Skule (kan gjere unntak i enkelttilfelle)

Barnehage (kan gjere unntak i enkelttilfelle)

PPT

Skulehelseteneste

Teknisk forvaltning og drift:

Alle avdelingar, men med unntak av stillingar knytt til teknisk vakt, brøyting og strøing, vatn og avlaup, reinhald og byggesak.

Samfunnsutvikling:

Alle avdelingar med unntak av operativ avdeling i Brann og redning.

Andre:

HR og utvikling

Økonomi (lønssavdelinga kan nytte overtid i samband med lønsutbetaling)

Kommuneadvokaten

Innkjøp



Innkjøpsstopp:

Kommunestyret legg til grunn at det skal vere «innkjøpsstopp på alle innkjøp som ikkje er strengt naudsynte. Dette skal vurderast opp mot lovpålagt drift. Innkjøp som gjeld liv og helse skal likevel gjennomførast. Alt som kan utsetjast skal utsetjast. Innkjøp til inntektsgjevande verksemd er unntatt.»

Kommunestyret har nytta formuleringa «innkjøp som gjeld liv og helse» og kommunedirektøren oppfattar at denne formuleringa skal tolkast mindre strengt enn «fare for liv og helse».

I utgangspunktet skal Alver kommune ikkje gjere innkjøp som ikkje er strengt naudsynte. Dette gjeld fram til 31.12.22.

Kommunedirektøren legg til grunn at innkjøpsstoppen gjeld for heile organisasjonen med dei avgrensingane som fylgjer av vedtaket: Innkjøpa «skal vurderast opp mot lovpålagt drift» og at «innkjøp som gjeld liv og helse skal likevel gjennomførast».

Kommunedirektøren ser at det kan vere ein god del innkjøp som kjem i ein «gråson» i høve avgrensingane i det politiske vedtaket.

Framdrift:

- Vedtak i 131/22 2. tertialrapport 2022 vart gjort på ettermiddagen torsdag 20.10.22. Leiargruppa drøfta handtering av vedtaket i eige møte fredag 21.10.
- Vedtaket vart drøfta med HTV i møte 24.10.
- Notat til tenesteleiarar vart endeleg godkjent i leiargruppa 26.10 og sendt ut 27.10 kl. 08.00.
- Vedtaket vart iverksett frå og med måndag 31.10.22.

Det vil bli rapportert jamleg både til politisk nivå og til HTV.

Avklaringar:

Interne avklaringar: Kommunedirektøren har bedt tenesteleiarar bidra med nødvendige avklaringar der avdelingsleiarar er usikre på kva som er rett å gjere. Kommunalsjefane er sjølvstendige ein støtte for tenesteleiarane i dette arbeidet. Kommunedirektøren ønskjer tilbakemeldingar i linja i høve konsekvensar gjennomføringa vedtaket får slik at ein kan korrigere der konsekvensane ikkje er i tråd med føresetnadene frå kommunestyret.

Kommunedirektøren ønskjer også tilbakemeldingar frå HTV i høve konsekvensar gjennomføringa vedtaket får slik at ein kan korrigere der konsekvensane ikkje er i tråd med føresetnadene frå kommunestyret.

I formannskapsmøte 10.11.22 vil kommunedirektøren drøfte innhaldet i dette notatet og eventuelt gjere endringar om tilbakemeldingane tilseier det.